

Na osnovu člana 135 stav (3) tačka d) Zakona o visokom obrazovanju („Službene novine Kantona Sarajevo“, broj: 33/17), člana 104 Statuta Univerziteta u Sarajevu broj: 01-1093-3/18 od 28. 11. 2018. godine, Vijeće Građevinskog fakulteta Univerziteta u Sarajevu na IX redovnoj (elektronskoj) sjednici, održanoj dana 13.07.2020. godine, donio je

Pravilnik o načinu osnivanja i utvrđivanju visine naknade za rad komisija Građevinskog fakulteta Univerziteta u Sarajevu

Član 1.

(Predmet Pravilnika i definicija pojmova)

- (1) Ovim Pravilnikom se utvrđuje način, uslovi i kriteriji za osnivanje i rad komisija i visina novčane naknade za članove, stručna i tehnička lica komisija koje se osnivaju na Građevinskom fakultetu Univerziteta u Sarajevu.
- (2) Pod komisijom iz stave 1 ovog člana podrazumijvaj se:
 - a) Komisija koju osnuje Vijeće Građevinskog fakulteta Univerziteta u Sarajevu na osnovu posebnih zakonskih i podzakonskih pravila, čiji članovi mogu biti zaposlenici Građevinskog fakulteta Univerziteta u Sarajevu
 - b) Komisija koju osnuje dekan Građevinskog fakulteta Univerziteta u Sarajevu na osnovu posebnih zakonskih i podzakonskih pravila, čiji članovi mogu biti zaposlenici Građevinskog fakulteta Univerziteta u Sarajevu
- (3) Članovi komisija mogu biti i stručne osobe koje nisu u radnom odnosu na Građevinskog fakulteta Univerziteta u Sarajevu, a angažuju se zbog svoje stručnosti kao vanjski saradnici.

Član 2.

(Obrazovanje komisija)

- (1) Komisija se može osnovati samo za poslove i radne zadatke koji nisu u djelokrugu rada nijednog zaposlenika Građevinskog fakulteta Univerziteta u Sarajevu, kao i za poslove i radne zadatke za koje je posebnim zakonskim i podzakonskim aktima utvrđeno da ih obavlja komisija.
- (2) Izuzetno, komisija se može osnovati i za poslove i radne zadatke koji su u djelokruga rada zaposlenika Građevinskog fakulteta Univerziteta u Sarajevu, kada se radi o izuzetno složenom zadatku, koji ne mogu obaviti sami zaposlenici Građevinskog fakulteta Univerziteta u Sarajevu, bez saradnje sa drugim organima ili stručnjacima iz odgovarajuće oblasti.
- (3) Komisija ima najmanje tri člana, od kojih je jedan predsjednik.
- (4) Komisija se može osnovati radi:
 - a) provođenje redovnog godišnjeg popisa imovine, prava i obaveza;
 - b) provođenje postupaka javnih nabavki;
 - c) provođenje postupaka javnog nadmetanja (licitacija);
 - d) provođenje postupka upisa studenata na studijske programe;
 - e) predlaganja kadrovskih imenovanja, odnosno postavljanja po osnovu zakonske obaveze javnog oglašavanja,
 - f) predlaganje rješenja internog problema odsjeka, katedre, službe;
 - g) druge komisije propisane zakonskim i podzakonskim aktima.

Član 3.

(Način obrazovanja komisije)

- (1) Akt o obrazovanju komisije sadrži sljedeće podatke:
 - ime i prezime predsjednika i članova komisije, pri čemu se vodi računa o ravnomjernoj zastupljenosti odsjeka, katedri i službi Građevinskog fakulteta Univerziteta u Sarajevu,

- ime i prezime tehničkog lica za obavljanje administrativno tehničkih poslove za potrebe komisije, koje se imenuje ukoliko je neophodno za rad komisije;
 - zadatke i poslove komisije,
 - rok za izvršavanje poslove i zadataka,
 - pravo na naknadu članova, stručnih i tehničkih lica u komisiji.
- (2) Poslovi i zadaci komisije su izvršeni nakon prihvatanja izvještaja od strane tijela koje je osnovalo komisiju, nakon čega se donosi rješenje o utvrđivanju visine i isplati naknade za rad u komisiji.

Član 4. **(Kriteriji za utvrđivanje naknade)**

- (1) Za utvrđivanje visine naknade članovima komisije uzimaju se sljedeći kriteriji:
- a) obim poslova i zadataka
 - b) složenost oblasti za koju se obrazuje komisija
 - c) potrebna stručnost
 - d) precizno određeni rokovi za izvršenje poslove i zadataka.
- (2) Članovi komisije ostvaruju pravo na naknadu samo pod uslovom da su poslove i radne zadatke za koje su zaduženi aktom o osnivanju komisije obavljali poslije redovnog radnog vremena, sa izuzetkom komisije iz člana 2 stav (2), koja može raditi i u redovno radno vrijeme.

Član 5. **(Visina naknade za rad u komisiji)**

- (1) Članovi komisija imaju pravo na naknadu kako slijedi:
- a) Komisija za javne nabavke utvrđuje se po postupku:
 - po postupku direktnog sporazuma-narudžba.....100 KM
 - po postupku direktnog sporazumu-ugovor150 KM
 - po pregovaračkom postupku300 KM
 - po konkurentskom postupku.....400 KM
 - po otvorenom postupku..... 500 KM
 - po okvirnom sporazumu..... 600 KM
 Raspodjelu sredstava članovima komisije predlaže predsjednik komisije, u sklopu kvartalnog izvještaju o radu komisije. Isplata se vrši kvartalno.

Komisija za javne nabavke neće imati pravo na gore navedenu naknadu za pojedinačni postupak javne nabavke, ukoliko troškovi eventualnog žalbenog postupka na teret Građevinskog fakulteta Univerziteta u Sarajevu budu isti ili veći od predviđenog iznosa naknade.

- b) Komisije za godišnji popis imovine, prava i obaveza:
 - Centralna popisna komisija..... 300 KM/ po članu
 - po ostalim Komisijama..... 200 KM/po članu
 Isplata se vrši jednokratno.
 - c) Komisije za provođenje postupaka javnog nadmetanja (licitacija);
 - po postupku javnog nadmetanja (licitacija)150 KM
 Raspodjelu sredstava članovima komisije određuje predsjednik, u izvještaju o završenom postupku.

Isplata se vrši jednokratno, po okončanom postupku javnog nadmetanja (licitacija).
- (2) Tehničkom licu koje obavlja administrativno tehničkih poslove za potrebe komisije pripada maksimalno 70% prosječnog iznosa naknade za članove komisije.
- (3) Naknade se isplaćuju po izvršenom poslu i zadatku i isključuje pravo na prekovremeni rad.
- (4) Za učešće u radu u pojedinim komisijama za koje ovim Pravilnikom nije utvrđena visina naknade, naknada se utvrđuje posebnim aktom Vijeća ili dekana, prema kriterijima iz člana 4. ovog Pravilnika.

Član 6.
(Postupak izmjena i dopuna)

(1) Izmjene i dopune ovog Pravilnika vrše se na način i po postupku za njegovo donošenje.


Član 7.
(Tumačenje Pravilnika)

(1) Tumačenje ovog Pravilnika daje Vijeće Građevinskog fakulteta Univerziteta u Sarajevu.

Član 8.
(Stupanje na snagu)

(1) Ovaj Pravilnik stupa na snagu danom usvajanja od strane Vijeća Građevinskog fakulteta Univerziteta u Sarajevu.

Prof.dr. Samir Dolarević, dipl.ing.građ.



Broj: 02-1-1098-4/20

Datum, 13.07.2020.